



CEWHERA JIYANÊ JIN Ê



Dilşah Dargul

Di dema ku mirov mêzeyî jiy-anê dike, hin tişt nayên dîtin ango mirov naxweze bibîne. Eger mirov bixweze bibîne jî, dikare baş û rast bibîne. Di warê mêzekirina jiyane de, mirovan ji tiştên herî biçuk ber bi yên mezin ve diçe, ango ber bi yên mezin ber bi yên biçuk ve diçe.

Ez jî dixwezim, ji ya biçuk ber bi ya mezin ve nêrîna xwe bînim ziman. Mijara ku di serî de tê eqlê min Jin û Zarokî. Li Kurdistan û Iraqê mijara jinê, hin caran, ji aliyê hin derdorên biçuk ve tên dîtin. Ji ber ku mijara jinê di cewhera jiyane de, veşartîye. Jina ku ji mala xwe dernakeve ango di malê de hatiye zindan kirin, dema derdikeve derve jî dixin nav çarşefa reş de ku wek rêbaza jiyane jêre hatiye destnîşan kirin. Jina ku li gorî vê qurala ku hatiye destnîşan kirin rêveneçe û jina ku li gorî vê rastiyê ne meşe bi rêbazên cur be cur ve tê ceza kirin.

Jina ku rasti her curreyên xerabiyan tên, bêyî ku bizanibe, heyfa xwe ji zarokên xwe derdixe. Jina ku ji aliyê zilam ve tê lêxistin, zaroke xwe dixê, dujunên ku ji zilam digre ew jî ji zarokên xwe re dibêje. Dema zarok jî mezin bû, ew jî fêra ku ji dayikê ango babê xwe hîn bûye, nîşanî biçîkên xwe dide. Zaroka ‘kiç’ wek koleyekê yê ‘kur’ jî dişibe bavê xwe.

Eger em bixwezim dahatuyek birûmet û pîroz ji bo zarokên xwe amade bikîn, ji niha de pêwîste em



xwe amade bikîn. Di serî de pêwîste ji jinê re çêr-dijûn û gotinên xerap neyên gotin. Her wiha lêxistin eybek mezine û gunche. Jin hebûnek pîroze ku pêwîste bê parastin.

Ji ber ku jin bingeha jîyanê ya malbatê ye. Malbatek perwerdekirî, tê maneya zarokên perwerdekirî yê paşerojê. Ger em bixwezin paşerojek paqij û xweşik pey xwe bihêlin, jina ku di cewhera jîyanê de veşartî maye bibînin ku dayika zarokên me ne. Çawe ku ji bo paşerojek pîroz, di serî de wacibek mezin dikeve ser milê Mêr, wacibek mezin dikeve ser milê Jinê jî. Jin pêwîste xwe baş perwerde bike û îradeya xwe xurt bike. Bi îmkanên xwe bixwîne û bibe xwediyê pîşeyek kar û xebatê. Mixabin gelek kiçên me tiştê ku di serî de tê eqle wan, zewace. Zewac û xwedî bûna

zarokan nayê wê maneyê ku karek mezin biserxistiye. Ji xwe malbat avakirin, karek mezine, lê ji bo mirova zana, xwe bawer û amade, karek pîroze. Ji xwe pirsgerokên mezin di malbatê de destpê bike, kesa/ê xwe perwerde nekiribe nikare zarok perwerde bike û pêwîstiyên wî yê madî bi cîh bîne. Jina ku xwe perwerde kiribe û bibe xwediyê pîşeyekê, dikare zarokên xwe jî perwerde bike û paşerojek ronî û geş diyarî wan bike.

Wê demê bikarîn bêjîn em wezîfeya xwe ya dîrokî pêktînin û civakek pêşketî ava bikîn.

“Çi dema ku mirovan dest ji xwendinê û zanabûnê berda, pîr û kal dibe”

an jî

“Ti mirovek nikare mîrasek pîroz wek ya aile pey xwe bihêle”

